

Prot. 4700

Datë 16.12.2019

RREGULLORE PËR PARANDALIMIN E KONFLIKTIT TË INTERESAVE NË  
USHTRIMIN E FUNKSIONEVE PUBLIKE NË A.T.K

Tiranë, 2019

KREU I  
DISPOZITA TË PËRGJITHSHME

**Neni 1**

**Baza ligjore**

Rregullorja për parandalimin e konfliktit të interesit në ATK, bazohet në Ligjin Nr. 9367, datë 07.04.2005 i ndryshuar me Ligjin Nr. 9475 datë 09.02.2006 me Ligjin Nr. 9529 datë 11.05.2006 dhe Ligjin Nr. 86/2012 datë 18.09.2012 si dhe me ligjin N.44/2014 datë 24.04.2014.

**Neni 2**

**Objekti**

Objekti i këtij ligji është përcaktimi i rregullave, mjeteve, mënyrave, procedurave, përgjegjësive dhe kompetencave për identifikimin, deklarimin, regjistrimin, trajtimin, zgjidhjen dhe dënimin e rasteve te konfliktit të interesave.

**Neni 3**  
**Përkufizime**  
**Në këtë rregullore , termat e mëposhtëme kanë këtë kuptim :**

1.“Konflikt i interesit” është gjendja e konfliktit ndërmjet detyrës publike dhe interesave privatë të një zyrtari, në të cilën ai ka interesa privatë, të drejtpërdrejtë ose të tërthortë, që ndikojnë, mund të ndikojnë ose duket sikur ndikojnë ryerjen në mënyrë të padrejtë të detyrave dhe përgjegjësive të tij publike

2.“Kryerje në mënyrë të drejtë e detyrave dhe përgjegjësive” është mënyra e kryerjes së detyrave dhe përgjegjësive, të materializuara në një vendimmarje, në të cilën zyrtari vepron në përputhje me ligjin, me ndershmëri, paanshmëri, përgjegjësi, përkushtim, në afat, në mbrojtje, në çdo rast, të interesit publik dhe të drejtave të ligjshme të personave privatë, si dhe për ruajtjen dhe forcimin e besueshmërisë e të dinjitetit të institucionit ku punon, të shtetit në përgjithësi dhe të figurës së zyrtarit.

3.“Kryerje në mënyrë të padrejtë e detyrave dhe e përgjegjësive” është rasti kur nuk plotësohet të paktën njëra prej kërkesave të pikës 2 të këtij nenit për shkak dhe vetëm të ndikimit të mundshëm të interesave privatë të zyrtarit, sipas pikës 1 të këtij nenit.

4.Konflikti i interesit, i përcaktuar në pikën 1 të këtij nenit, përfshin disa përkufizime të tjera, për lloje të ndryshme të shfaqjes së tij, si më poshtë:

a) “konflikt faktik i interesit” është gjendja, ne të cilën interesat privatë të zyrtarit ndikojnë, kanë ndikuar ose mund të kenë ndikuar në kryerjen në mënyrë të padrejtë të detyrave dhe përgjegjësive të tij zyrtare;

b) “konflikt në dukje i interesit” është gjendja, në të cilën interesat privatë të zyrtarit duken, në pamje ose në formë, sikur kanë ndikuar, ndikojnë ose mund të ndikojnë në kryerjen në mënyrë të padrejtë të detyrave apo përgjegjësive të tij zyrtare, por, në fakt, ndikimi nuk ka ndodhur, nuk ndodh ose nuk ka mundësi të ndodhë:

- c) "konflikt i mundshëm i interesit" është gjendja, në të cilën interesat privatë të zyrtarit mund të shkaktojnë, në të ardhmen, shfaqjen e konfliktit faktik ose në dukje të interesit, nëse zyrtari do të përfshihej në detyra apo përgjegjësi të caktuara;
- ç) "konflikt rast për rast i interesit" është gjendja me konflikt interesë, në njëren nga tri llojet e mësipërme, që shfaqet rast për rast dhe lidhet me një vendimmarje të veçantë;
- d) "konflikt i vazhdueshëm i interesit" është gjendja, në të cilën konflikti i interesit mund të shfaqet në mënyrë të përsëritur dhe/ose të shpeshtë në të ardhmen.
5. "Zyrtar" është çdo person, që kryen detyra dhe ushtron funksione publike, sipas përcaktimit të shkronjave "a", "b" e "c" të pikës 1 të nenit 3 të këtij ligji.
6. "Institucion publik" është çdo subjekt, i përcaktuar në shkronjat "ç" e "d" të pikës 1 të nenit 3 të këtij ligji.
7. "Epror i një zyrtari" është një zyrtar tjetër, një njësi organizative brenda institucionit publik, drejtuesi më i lartë i institucionit publik ose një organ i këtij institucioni, që ka kompetenca emëruese, drejtuese, urdhëruese, vlerësuese ose kontrolluese, të drejtpërdrejta mbi këtë zyrtar, ose që i janë dhënë kompetenca të caktuara për zbatimin e këtij ligji.
8. "Institucion epror" është një institucion publik (ose organ i një institucioni publik) që, sipas ligjeve në fuqi, ka kompetenca irregulluese, emëruese, drejtuese, urdhëruese, vlerësuese ose kontrolluese mbi një institucion tjetër publik (ose organ të tij), ku, në këtë të fundit, një zyrtar kryen detyrat dhe ushtron kompetencat e tij. Roli epror ushtrohet në përputhje me ligjet, që irregullojnë organizimin dhe funksionimin e institucioneve publike. Pavarësisht nëse një institucion epror mund të ketë njëren nga kompetencat e mësipërme, ai nuk mund të vlerësohet i tillë, nëse kjo do të conte në cenimin e parimeve kushtetuese të ndarjes së pushtetive dhe të autonomisë institucionale.
9. "Person i lidhur me një zyrtar" është çdo person fizik ose juridik, i cili rezulton të ketë pasur ose të ketë lidhje interesë, pasurore ose vetjake jo pasurore, sipas nenit 5 të këtij ligji, me zyrtarin.
10. "Parim i proporcionalitetit" është raporti ndërmjet rëndësisë së detyrave, përgjegjësive dhe kompetencave të një zyrtari ose institucioni publik me masat për parandalimin e konfliktit të interesave, raport në të cilin sa më të rëndësishme të janë detyrat, përgjegjësitë ose kompetencat e zyrtarit, aq më të shumta janë kufizimet e interesave të zyrtarit, aq më të ashpra janë dënimet dhe në mënyrë edhe më të hollësishme janë përcaktuar irregullat, mënyrat, mjetet dhe procedurat për parandalimin e konfliktit të interesit nga institucionet publike.

#### Neni 4

#### Fusha e zbatimit

Rregullorja përcakton norma të detyrueshme për t'u zbatuar nga:

- çdo zyrtar i ATK -së, kur ai merr pjesë në një vendimmarje për:
- akte dhe kontrata administrative;
- akte të organeve gjyqësore, notariale, për ekzekutimin e titujve ekzekutivë nga organet e përbërësive dhe akte të organeve të prokurorisë;
- akte normative, si dhe vetëm ato ligje që krijojnë pasoja juridike për subjekte individualisht të përcaktuara;

e) çdo zyrtar i institucioneve shtetërore, qendore ose vendore dhe çdo punonjës i subjekteve të përcaktuara në shkronjën “d” ose përfaqësues i subjekteve të përcaktuara në shkronjën “ç”, në subjektet e përmendura në shkronjën “d”, kur ai merr pjesë në një vendimmarrje për kontrata, që krijojnë marrëdhënie juridiko-civile, me palë këto subjekte;

f) çdo zyrtar ose punonjës i Agjencise, që ndodhet në pozicione, ka përgjegjësi, kryen detyra ose ushtron kompetenca të llojeve konkrete, të përcaktuara shprehimisht në këtë rregullore, në njëren nga subjektet e shkronjës “ç” ose “d” të pikës 1 të këtij neni;

g) çdo institucion shtetëror, qendror ose vendor;

çdo organ apo subjekt i krijuar dhe/ose në varësi të subjekteve të shkronjës “ç”, përfshirë edhe ndërmarrjet shtetërore ose vendore, shoqëritë tregtare me pjesëmarrje kontrolluese të kapitalit shtetëror ose vendor, organizatat jo fitimprurëse dhe persona të tjerë juridikë, të kontrolluar nga subjektet e shkronjës “ç” ose nga vetë subjektet e kësaj shkronje;

dh) personat e lidhur në masën dhe mënyrën e përcaktuar në këtë rregullore

Për qëllimet e këtij ligji:

a) vendimmarrje për një akt do të vlerësohet, në çdo rast, çasti i fundit i procesit vendimmarrës, gjatë të cilës vendoset përbajtja përfundimtare e aktit;

b) vendimmarrje për një akt do të vlerësohen edhe ato çaste paraprake të vendimmarrjes, sipas shkronjës “a” të kësaj pike, të cilat janë thelbësishët të rëndësishme dhe përcaktuese për përbajtjen përfundimtare të aktit;

c) një zyrtar” ka kompetencë thelbësore dhe përcaktuese për një akt, nëse pjesëmarrja, ndikimi dhe qëndrimi i tij në vendimmarrjen për këtë akt, sipas shkronjave “a” ose “b” të kësaj pike, përcaktojnë përbajtjen e aktit.

## Neni 5

### Interesat private

1. Interesat privatë të zyrtarit të ATK-së janë ata interesa që përputhen, përbajnë, bazohen ose burojnë nga:

a) të drejta dhe detyrime pasurore të çdo lloj natyre;

b) çdo marrëdhënie tjetër juridiko-civile;

c) dhurata, premtime, favore, trajtime preferenciale;

c) negocime të mundshme për punësim në të ardhmen nga ana e zyrtarit të ATK-së gjatë ushtrimit të funksionit apo negocime për çdo lloj forme tjetër marrëdhëniash me interes privat për zyrtarin, pas lënies së detyrës, të kryer nga ai gjatë ushtrimit të detyrës;

d) angazhime në veprimtari private me qëllim fitimi ose çdo lloj veprimtarie, që krijon të ardhura, si dhe angazhime në organizata fitimprurëse dhe jo fitimprurëse, sindikata ose organizata profesionale, politike, shtetërore dhe çdo organizatë tjetër;

dh) marrëdhënie:

i) familjare apo të bashkëjetesës;

- ii) të komunitetit;
  - iii) etnike;
  - iv) fetare;
  - v) të njohura të miqësisë apo të armiqësisë;
- e) angazhime të mëparshme, nga të cilat kanë buruar ose burojnë interesa të përmendur në shkronjat e mësipërme të këtij neni.

2.Kufizimet e interesave privatë, të përcaktuara shprehimisht në këtë ligj, zbatohen së bashku me kufizimet e të njëjtë interes privat, të përcaktuara shprehimisht në një ligj tjetër, sipas parimit, që zbatohet ai kufizim që është më i reptë.

3.Nëse në këtë ligj, në lidhje me një interes të caktuar privat të një zyrtari, nuk është përcaktuar ndonjë kufi sasior i kufizimit të këtij interesit, ndërsa në një ligj tjetër i njëjtë interes, me qëllim parandalimin e konfliktit të interesave, kufizohet shprehimisht sipas një kufiri sasior, atëherë ky kufizim zbatohet edhe për këtë ligj dhe anasjelltas

4.Vlerësohet shkak për lindjen e konfliktit të interesit, çdo lloj interesi privat i një zyrtari nga ata të përcaktuar në këtë nen, çdo lidhje apo gërshtetim ndërmjet dy a më shumë prej tyre, nëse për shkak të këtij interesit ose për shkak të daljes jashtë kufizimeve të detyrueshme të këtij interesit, shfaqet një gjendje me konflikt interesit, sipas përkufizimeve të pikave 1 e 4 të nenit 3 të këtij ligji.

## Neni 6

### Mënyra e kryerjes së detyrave publike dhe detyrimi për parandalimin e konfliktit të interesit

Me zgjedhjen ose emërimin e tij e në vazhdim, zyrtari i ATK-se ka për detyrë të parandalojë dhe të zgjidhë vetë, sa më parë dhe në mënyrën më të frytshme të mundshme, çdo gjendje të konfliktit të tij të interesit. Në rast se zyrtari nuk është i bindur për ekzistencën apo jo të një konflikti interesit të lidhur me të, ai duhet të këshillohet sa më parë me eprorët.

Eprori i ATK-së si dhe institucion epror duhet të marrin të gjitha masat e nevojshme për të parandaluar dhe zgjidhur rastet e konfliktit të interesit.

## KREU II

### PROCEDURAT DHE MJETET PËR IDENTIFIKIMIN DHE REGJISTRIMIN E KONFLIKTEVE TË INTERESAVE

**Seksioni 1**  
**Identifikimi dhe regjistrimi i interesave në kushtet e konflikteve rast për rast të interesave**

**Neni 7**  
**Deklarimi rast për rast i interesave privatë të zyrtarit**

Çdo zyrtar ATK-së, në ushtrimin e kompetencave apo në kryerjen e detyrave të tij publike, në bazë të njohjes së tij dhe në mirëbesim, detyrohet që të bëjë vetëdeklarim paraprak, rast për rast, të ekzistencës së interesave të tij privatë, që mund të bëhen shkak për lindjen e një konflikti interesit. Deklarimi rast për rast i interesave privatë bëhet çdo herë nga zyrtari i ATK-së, kur kjo kërkohet nga eprori i ATK-së ose nga institucioni epror. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi mund të kërkohet dhe të bëhet sa më shpejt të jetë e mundur.

Vetëdeklarimi ose deklarimi me kërkesë bëhet si rregull me shkrim, kur zyrtari i ATK-së përfshihet në një vendimmarrje për një akt. Deklarimi me shkrim nuk është i domosdoshëm kur deklarimet verbale të zyrtarit janë të regjistrueshme dhe të dokumentueshme, sipas procedurave të përcaktuara me ligj dhe/ose në rregulloret e brendshme të institucionit publik, ku zyrtari ushtron funksionet e veta.

Deklarimi i interesit për rastet e përcaktuara në shkronjën “dh”, “iii”, “iv” dhe “v” të pikës 1 të nenit 5 të këtij ligji, si dhe përkatësia në organizata politike në kuptim të shkronjës “d” të pikës 1 të nenit 5 të këtij ligji bëhet vetëm me vullnetin e lirë të zyrtarit.

**Neni 8**

**Identifikimi i interesave privatë të zyrtarit nga persona të trete**

1 Ofrimi i informacionit, për interesat privatë të zyrtarit të ATK-së, është:

- a) detyrë e çdo zyrtari tjetër që ka dijeni, në veçanti e eprorit të tij;
- b) detyrë e çdo institucioni publik, që ka dijeni;
- c) drejtë e palëve të interesuara, që preken nga veprimet e zyrtarit;
- ç) e drejtë e çdo personi, i cili ka dijeni dhe që ka një interes në përgjithësi e që përputhet me qëllimin e këtij ligji.

**Neni 9**

**Burime të tjera informacioni për interesat privatë të zyrtarit**

Burime të tjera informacioni për interesat privatë të një zyrtari të ATK-së mund të jenë edhe:

- a) regjistrat publikë ose privatë, të mbajtur në përputhje me legjislacionin në fuqi;
- b) të dhënat nga media;
- c) të dhënat ose ankesat nga publiku;
- ç) çdo burim tjetër i ligjshëm.

## Neni 10

### Roli aktiv i institucioneve publike në mbledhjen e informacionit për interesat privatë të zyrtarit

1) Autoriteti ose struktura përgjegjëse për zbatimin e këtij ligji, sipas (nenit 41 pika 2 Ligjit Nr. 9367, datë 07.04.2005 i ndryshuar), në përputhje me masën, mënyrën dhe radhën e përcaktuar në këtë ligj dhe/ose në aktet nënligjore e rregulloret e brendshme të një institucioni publik, të nxjerra në zbatim të këtij ligji, është i autorizuar që, në mënyrë aktive, në emër të institucionit publik përkatës:

- a) të mbledhë, nga burimet e ligjshme të informacionit, të dhëna për interesat privatë të një zyrtari;
- b) të pranojë informacionet e siguruara në mënyrë të ligjshme;
- c) të verifikojë besueshmërinë e këtyre informacioneve;
- ç) të vëré në dijeni zyrtarin për informacionet e siguruara për të;

d) t'i japë mundësi zyrtarit të provojë të kundërtën, nëse ky i fundit e kërkon një gjë të tillë; dh) të bëjë regjistrimin e interesave privatë të zyrtarit.

2) Çdo zyrtar i ATK-së, jo më vonë se 30 ditë nga hyrja në fuqi e këtij ligji ose nga data e fillimit të marrëdhënieve të punës në një institucion publik, është i detyruar të lëshojë një autorizim, në favor të institucionit publik ku ushtron funksionet, nëpërmjet të cilit ai e autorizon këtë institucion që të kryejë kontroll dhe të sigurojë të dhëna vetjake për zyrtarin, kudo ku ato janë regjistruar. Ky autorizim ka të njëjtën vlerë edhe për çdo institucion epror.

2/1. Çdo institucion i cili vihet në dijeni me të dhëna personale të çdo zyrtari detyrohet të ruajë konfidencialitetin dhe besueshmërinë edhe pas përfundimit të funksionit, nëse diçka e tillë nuk është parashikuar ndryshtësia në ligj. 2/2. Përbajtja e autorizimit bëhet në përputhje me parimet e mbrojtjes së të dhënavë personale.

3. Çdo institucion epror, sipas hierarkisë, është i autorizuar që, në mënyrë aktive, të kryejë të gjitha veprimet e përcaktuara në pikën 1 të këtij nenit edhe për titullarët e institucioneve të tjera, që ka në juridiksion.

## Neni 11

### Regjistrimet rast për rast të konfliktit të interest

Për çdo rast të shfaqjes së një konflikti rast për rast të interesit, regjistrohen identiteti i zyrtarit, interesat privatë të tij, shkak për një konflikt interesit, thelbi i konfliktit, palët e interesuara, burimi i të dhënavë, mënyra e marrjes dhe e verifikimit të tyre, si dhe vendimi që është marrë, mbështetur në këto të dhëna, përfshirë edhe vendimet e marra nga eprorët, institucionet eprorë ose nga gjykatat. Regjistrimi bëhet nga autoriteti përgjegjës, sipas (nenit 41 të Ligjit Nr. 9367, datë 07.04.2005 i ndryshuar).

## Neni 12

### E drejta e publikut për t'u njohur me regjistrimet për të dhënat private të zyrtarëve, në rastet e konflikteve rast për rast të interest

1) Regjistrimet e interesave, për qëllimet e një procedimi administrativ, u vihen në dispozicion, në kohë të arsyeshme, palëve në këtë procedim, sipas afateve dhe procedurave të përcaktuara në Kodin e Procedurave Administrative.

2) Regjistrimet janë gjithnjë të disponueshme për një proces gjyqësor ose arbitrimi, si dhe për një proces hetimi parlamentar.

### Seksioni 3

Dispozita të përbashkëta për të dyja sistemet e identifikimit dhe të regjistrimit të interesave

#### Neni 13

##### **Lidhja ndërmjet dy sistemeve dhe e drejta e informimit**

Deklarimet e interesave, sipas seksionit 1 të këtij kreu dhe çdo dokument tjetër, që i shoqëron ato, janë dokumente zyrtare. Të dhënat, që përfshohen nga deklarimi, sipas këtij ligji, janë të lejueshme për publikun, në përpjekje me ligjin nr.8503, datë 30.6.1999 “Për të drejtën e informimit për dokumente zyrtare”.

- 1) Sistemet, rast për rast dhe periodike, të identifikimit e të regjistrimit të interesave, ndërtohen në forma e me mjete të tillë, që ndihmojnë njëri-tjetrin për:
- a) parandalimin sa më të frytshëm të konfliktit të interesave;
  - b) mundësinë për informim, sa më të plotë e më të lehtë, të publikut me të dhënat e regjistruara të interesave.

#### Neni 14

##### **Mbrojtja për dhënien e informacioneve**

Çdo zyrtar apo çdo subjekt, i cili ofron informacion të bazuar për rastet e konfliktit të interesave të padekluarura nga subjektet e këtij ligji, përfiton, sipas rastit, një mbrojtje të veçantë administrative, si më poshtë:

- a) zyrtari, për të cilin jepet informacion, nuk mund të ushtrojë asnjë kompetencë administrative me efekte ndëshkuese mbi subjektin informues dhe as të bëhet pengesë për fitimin e të drejtave të ligjshme nga ky i fundit për shkak të dhënies së informacionit; kur marrja e masës ndaj subjektit që informon përcaktohet nga një shkak tjetër ligjor, ajo merret vetëm nga një zyrtar, që qëndron në marrëdhënie varësie vertikale mbi zyrtarin, për të cilin është dhënë informacioni, me përjashtim të rastit kur marrja e masës administrative bëhet në kushtet e (nenit 37 pika 6 të Ligjit Nr. 9367, datë 07.04.2005 i ndryshuar).

### KREU III

#### **KUFIZIMI I INTERESAVE PRIVATË PËR PARANDALIMIN E KONFLIKTEVE TË INTERESAVE NË ÇËSHTJE DHE RASTE TË VEÇANTA**

### Seksioni 1

**Kufizime të interesave privatë të zyrtarit për parandalimin e konfliktit rast për rast të  
interesit për çështje të veçanta**

## Neni 15

### Ndalimi i lidhjes së kontratave

Ndalimi i lidhjes se kontrates behet sipas Seksionit 1 neni 21 i ligjit Nr.9367, date 4.04.2005 i ndryshuar me ligjin 44/2014 date 24.4.2014 .

## Neni 16

### Ndalime në sigurimin e të ardhurave për shkak të funksionit të veçantë

1) I ndalohet që të zotërojë, në mënyrë aktive, aksione ose pjesë në kapital, si dhe çdo lloj përfitimi tjetër, që nuk buron nga zotërimi pasiv, nga shoqëritë tregtare, që janë të përjashtuara ose të lehtësuara nga detyrimet doganore ose tatimore, si dhe kur këto shoqëri ushtrojnë veprimtari në zonat e lira, çdo zyrtari që ka kompetencë thelbësore dhe përcaktuese në dhënien shoqërisë të secilit prej trajtimeve të sipërpërmendura.

2) Zyrtarit I ATK-së, që është përfaqësues i një institucioni publik në zotërimin e aksioneve ose të pjesëve në kapital të shoqërive tregtare, gjatë ushtrimit të këtij funksioni i ndalohet:  
a) marrja drejtpërdrejt ose têrthorazi, me ndërmjetësimin e palëve të treta, e çdo përfitimi financiar, përfshirë krijimin e një burimi të ardhshëm financiar, që lidhet ose përftohet për shkak të detyrës së tij si përfaqësues;  
b) pranimi, në favor të tij, i dhuratave ose pjesëve në kapital nga shoqëria, anëtarët ose organet e saj;  
c)blerja e pjesëve në kapital, aksioneve ose pasurive të këtyre shoqërise;  
ç) përfitime të drejtpërdrejta ose të têrthorta nga furnizues apo klientë të këtyre shoqërise.

## Neni 17

### Ndalimi i marrjes së dhuratave, favoreve, premtiveve ose trajtimeve preferenciale

1) Është e ndaluar që një zyrtar i ATK-së të kërkojë ose të marrë, në mënyrë të drejtpërdrejtë a të têrthortë, dhurata, favore, premtive ose trajtime preferenciale, të cilat i jepen për shkak të pozicionit të tij, nga një individ, person fizik ose juridik privat.

2) Përjashtohen vetëm rastet e përcaktuara me akte të organeve kompetente, të cilat lejojnë pranimin e dhuratave apo trajtimeve preferenciale për arsyet protokollare.

3) Zyrtari i ATK-së, të cilit i janë ofruar dhurata, favore, premtive ose trajtime preferenciale, sipas pikës 1 të këtij neni, duhet:

a) t'i refuzojë ato dhe, në rast se ofrimi është kryer pa dijeninë e tij ose paraprakisht, t' ia kthejë mbrapsht ofruesit ose, në pamundësi, t' ia dorëzojë zyrtarisht eprorit ose institucionit më të afërt epror;  
b) të përpinqet të identifikojë personin që i ofron ato, motivet dhe interesat e tij;  
c)të informojë, në çdo rast dhe menjëherë, eprorin ose institucionin më të afërt epror për dhuratën, favorin, premtimin ose trajtimin preferencial të ofruar apo të dhënë, identitetin e ofruesit, kur ky është i identifikueshëm, rrethanat, si dhe të japë gjykimin për arsyet e mundshme të kësaj ngjarjeje e për lidhjen e saj me detyrat e tij si zyrtar;  
ç) të vazhdojë normalisht ushtrimin e detyrës, sidomos për problemin për të cilin është ofruar

dhurata, favori, premtimi ose trajtimi preferencial dhe të mbajë vazhdimisht në dijeni e prorin për çdo zhvillim të mundshëm;

d) në rast se ofrimi ose dhënia e të mirave të sipërpërmendura lidhen me kryerjen e një vepre penale, ta raportojë atë tek organet kompetente për ndjekje penale.

## Neni 18

### Kufizimi i interesave të personave të lidhur me zyrtarin

- 1) Rrethi i personave të lidhur me zyrtarin e ATK-së, në zbatim të ndalimeve të përcaktuara në (nenin 21 dhe në nenin 22 të Ligjit Nr. 9367, datë 07.04.2005 i ndryshuar), përbëhet nga bashkëshorti/ja, bashkëjetuesi/ja fëmijët në moshë madhore dhe prindërit e zyrtarit e të bashkëshortit/es dhe bashkëjetuesit/es.
- 2) Rrethi i personave të lidhur me zyrtarin, në zbatim të nenit 23 (Ligjit Nr. 9367, datë 07.04.2005 i ndryshuar), përveç atyre të përcaktuara në pikën 1 të këtij neni, zgjerohet edhe me çdo person fizik ose juridik, i cili, në lidhje me dhuratën, favorin, premtimin ose trajtimin preferencial, luan rolin e ndërmjetësit a të shkëmbyesit të interesave të lindur nga ky veprim.
- 3) Ndalimet dhe kufizimet për zyrtarin, të përcaktuara në këtë seksion, zbatohen edhe për personat e lidhur me të, në përputhje me pikat e mësipërme të këtij neni.
- 4) Kufijtë e zotërimit të aksioneve ose të pjesëve në kapital janë të njëjtë me ata të përcaktuara në nenin (21 të Ligjit Nr. 9367, datë 07.04.2005 i ndryshuar):
  - a) për çdo person të lidhur me zyrtarin veç e veç;
  - b) për tërësinë e interesave të zyrtarit dhe të personave të lidhur me të;
  - c) për tërësinë e interesave të personave të lidhur me zyrtarin.
  - d) Ndalimet dhe kufizimet e këtij seksioni nuk zbatohen për personat e lidhur me personat e lidhur me zyrtarin.

## Neni 19

### Zotërimi në mënyrë të tërthortë i interesave

1. Me persona juridikë, të cilët përmenden në këtë seksion, nënkuptohen personat juridikë, rezidentë dhe jorezidentë në Republikën e Shqipërisë.
2. Ndalimi i lidhjes së kontratave, sipas çdo rasti të përcaktuat në (nenin 21 të Ligjit Nr. 9367, datë 07.04.2005 i ndryshuar), zbatohet edhe në rastin kur zotërimi i aksioneve ose i pjesëve në kapital lidhet me një shoqëri tregtare, ortakëri a shoqëri të thjeshtë, e cila zotëron aksione apo pjesë në kapital të një shoqërie tregtare, ortakërie ose shoqërie të thjeshtë, kur kjo e fundit shfaqet si palë në lidhjen e një kontrate.

## Seksioni 2

### Kufizimi i interesave privatë për parandalimin e rasteve të veçanta të konfliktit të vazhdueshëm të interesave

## Neni 20 Të përgjithshme

1)Llojet dhe kufizimet e interesave privatë të kategorive të zyrtarëve, të përcaktuara në këtë seksion, nuk përjashtojnë llojet dhe kufizimet e përcaktuara në ligje të tjera për këto kategori zyrtarësh, të zbatuara për të njëtin qëllim, por, në çdo rast, zbatohet kufizimi më i repte, në përputhje me përcaktimet e nenit 5 të kësaj rregullore.

2)Për zyrtarët e tjera, të patrajtuar në këtë seksion, zbatohen kufizime të përcaktuara në ligje të veçanta për të njëtin qëllim. Kur me ligj përcaktohet se këta zyrtarë nuk mund të kryejnë asnje veprimitari private, kjo kuption edhe ndalimin e zotërimit në mënyrë aktive të aksioneve ose pjesëve në kapital në shoqëritë tregtare në ato kushte për të cilat ndalohet veprimitaria private.

3)Me persona juridikë, të cilët përmenden në këtë seksion, kuptohen të gjithë personat juridikë, të regjistruar në territorin e Republikës së Shqipërisë, sipas legjislacionit në fuqi.

4)Kur zyrtari zotëron interesa të lidhur me persona fizikë ose juridikë, të regjistruar jashtë territorit të Republikës të Shqipërisë, që zoterojnë ose kontrollojnë një person juridik, të regjistruar në Republikën e Shqipërisë, dhe nga të cilët, në mënyrë të tërthortë, krijohen të drejta mbi këtë person, kufizimi i interesave të zyrtarit dhe/ose të personit juridik, të zotëruar ose të kontrolluar, zbatohet në atë masë, që ky veprim i tërthortë të japë të njëtin rezultat.

## Neni 21

### **Kufizimet për zyrtarin e nivelit të lartë dhe të mesëm, drejtues të administratës publike, institucioneve të tjera publike, Policisë së Shtetit dhe Forcave të Armatosura të Republikës së Shqipërisë**

Zyrtari i nivelit të lartë dhe të mesëm drejtues sipas legjislacionit të shërbimit civil, zyrtari i nivelit të lartë e të mesëm të Policisë së Shtetit dhe të Forcave të Armatosura, sipas sistemit të gradave dhe detyrave të zbatueshme për këto institucione publike, zyrtarët e nivelit të lartë dhe të mesëm, të barasvlefshëm me zyrtarët në pozicionet drejtor drejtorie, drejtor drejtorie të përgjithshme dhe titullarë të enteve irregullatorë (dhe ata sipas nenit 30 të të Ligjit Nr. 9367, datë 07.04.2005 i ndryshuar) apo institucioneve të tjera të administratës publike që nuk janë pjesë e shërbimit civil, si dhe prefekti.

- a) nuk mund të janë drejtues në organizatat fitimprurëse;
- b) nuk mund të janë anëtarë në organet drejtuese të një shoqërie tregtare ose në një organizatë jo fitimprurëse, kur këta ushtrojnë veprimitari në një sferë që përputhet ose pritet me sferën e juridikacionit të zyrtarit dhe të kompetencës së tij për të vepruar. me akte të nxjerra nga ai, ose kur zyrtari ka rol thelbësor dhe përcaktues në nxjerjen e këtyre akteve. me akte të cilat krijojnë pasoja juridike, përfitime ose kosto mbi këto shoqëri a organizata apo mbi shoqëri ose organizata të tjera që bashkëpunojnë ose konkurrojnë me shoqërinë në fjalë, përjashtuar rastet kur ky pozicion në shoqëri ose organizatë vjen për shkak të funksionit dhe/ose të statusit;
- c) nuk mund të ushtrojnë veprimitari private, që krijon të ardhura në formën e personit fizik tregtar, ortakëri personash fizikë tregtarë të çdo forme, profesione të lira të avokatisë, noterisë, ekspertit të licencuar, si dhe të konsulentit, agjentit a të përfaqësuesit të organizatave, të përcaktuara në shkronjën “a” të këtij neni, dhe nuk mund të janë të punësuar, me kohë të plotë, në një detyrë tjetër;
- ç) mund të zoterojnë në mënyrë aktive, aksione ose pjesë në kapital të një shoqërie tregtare, pa asnje kufizim, me përjashtim të rastit kur shoqëria ushton veprimitari në një sferë që përputhet ose pritet me sferën e juridikacionit të zyrtarit dhe të kompetencës së tij për të vepruar, me akte të nxjerra nga ai, ose kur zyrtari ka rol thelbësor dhe përcaktues në nxjerjen e këtyre akteve, të cilat krijojnë pasoja juridike, përfitime ose kosto mbi këto shoqëri apo mbi shoqëri të tjera, që bashkëpunojnë ose konkurrojnë me shoqërinë në fjalë, rast në të cilin zyrtari mund të zoterojë aksione ose pjesë në

kapital vetëm, në përputhje me kushtet e përcaktuara në shkronjën "c" të nenit 27 të këtij ligji.  
d)Për zyrtarin e njësisë së qeverisjes vendore, shkronjat "b" dhe "ç" të këtij nenit neni zbatohen vetëm kur veprimtaria e subjekteve të përmendura në to ushtrohet në territorin e juridikzionit të tij.

## Neni 22

### **Prania e interesave në personat e lidhur me zyrtarin**

1. Person i lidhur, për qëllim të neneve 27 deri 33 të këtij ligji, për kufizimet e interesave privatë të zyrtarëve, të përcaktuar në nenet e tjera të këtij seksioni, janë vetëm bashkëshorti/ja, bashkëjetuesi/ja, fëmijët në moshë madhore, prindërit e zyrtarit e të bashkëshortit/es dhe bashkëjetuesit/es.

2. Në rast se aksionet apo pjesët në kapital janë të regjistruala në emrin e personit të lidhur, ato vlerësohen njëlloj si të ishin të regjistruala në emër të vetë zyrtarit dhe personit të lidhur i kufizohen të drejtat pasurore për to, në të njëjtën masë dhe mënyrë si në rastin e vetë zyrtarit. Këto kufizime nuk zbatohen për personat e lidhur me personat e lidhur me zyrtarin.

3. Kufizimi i pikës 2 të këtij nenit zbatohet njëlloj dhe respekton të njëjtët kufij edhe për rastet e mëposhtme:

- a) tërësinë e aksioneve ose të pjesëve në kapital të zyrtarit dhe të personave të lidhur me të;
- b) tërësinë e aksioneve ose të pjesëve në kapital të personave të lidhur me zyrtarin.

4) Personi i lidhur me një zyrtar nuk mund të ushtrojë veprimtari si person fizik tregtar ose ortakëri personash fizikë tregtarë të çdo forme, nëse veprimtaria përpunhet ose pritet me sferën e juridikzionit të zyrtarit dhe të kompetencës së tij për të vepruar, me akte individuale apo normative të nxjerra nga ai, ose kur zyrtari ka rol thelbësor dhe përcaktues në nxjerjen e këtyre akteve, të cilat krijojnë pasoja juridike. Përfitime ose kosto mbi këtë person fizik apo mbi shoqëri tregtare e persona të tjerë fizikë, që bashkpunojnë ose konkurrojnë me personin e lidhur. Kjo pikë nuk zbatohet kur plotësohen të paktën një nga kushtet e mëposhtme:

- a) mjeti i vetëm, me të cilin ky zyrtar mund të krijojë efektet e mësipërme, është një ligj ose një vendim i këshillit të bashkisë, komunës ose qarkut ose një vendim gjyqësor;
- b) veprimtaria dhe/ose disa veprimtari tregtare së bashku të një personi të lidhur krijojnë një të ardhur të përgjithshme bruto vjetore, që nuk tejkalon kufirin prej 10 milionë lekësh.

## Neni 23

### **Lidhjet ndërmjet interesave dhe konflikteve të seksioneve 1 dhe 2**

1. Edhe kur një zyrtar zotëron interesa privatë brenda kufijve të lejuar të seksionit 2 të këtij kreu, apo i sjell ata brenda kufijve të lejuar sipas përcaktiveve të pikës 3 të nenit 38 (Ligjit Nr. 9367, datë 07.04.2005 i ndryshuar) ai nuk është i çliruar nga detyrimet kufizimet ose ndalimet e tjera të këtij kreu si dhe nuk është i çliruar apriori nga rreziku i rënies në konflikt rast për rast ose të vazhdueshëm të interesit.

2. Zotërimi pasiv i aksioneve ose i pjesëve në kapital mund të përbëjë shkak për rënien në konflikt

rast për rast të interesit. Zyrtari dhe personi i besuar janë bashkëpërgjegjës për të marrë të gjitha masat e nevojshme për parandalimin e rënies së zyrtarit në një konflikt të tillë dhe komunikojnë ndërmjet tyre, për aq sa është e nevojshme, për këtë qëllim. Bara e provës për pamundësinë e komunikimit, në kohën e përshtatshme, në raport me pjesëmarrjen në vendimmarrje të zyrtarit. bie mbi zyrtarin dhe personin e besuar.

#### KREU IV

#### MËNYRAT E TRAJTIMIT DHE TË ZGJIDHJES SË KONFLIKTIT TË INTERESAVE

##### Neni 24

###### **Mënyrat bazë të trajtimit dhe të zgjidhjes së konfliktit të interesave**

Për parandalimin sa më të hershëm dhe sa më efikas të çdo konflikti interesit, të çdo lloji qoftë ai:

1) Zyrtari I ATK-së, në ushtrimin e funksioneve të tij, paraprakisht, sipas rrethanës, nevojës, në mënyrë të shkallëzuar ose në proporcion me rëndësinë e situatës, mënjanon dhe zgjidh vetë çdo situatë të konfliktit të interesit, të çdo forme qoftë ajo, duke përdorur, sipas rastit dhe përshtatshmërisë, një apo disa nga mënyrat e mëposhtme:

a) duke transferuar a tjetërsuar interesat privatë;

b) duke u vetëpërjashtuar paraprakisht nga procesi konkret i vendimmarrjes, me përjashtim të rasteve kur është e pamundur delegimi i kompetencave të zyrtarit te një zyrtar tjetër, për shkak të ligjit apo për shkak të situatës ose ne rastet e organit kolegjial, duke mos marre pjesë ne diskutimin dhe votimin e çështjes ne konflikt.

c) duke dhënë dorëheqjen nga detyrat, funksionet apo angazhimet private, që janë në konflikt me funksionin e tij publik;

ç) duke dhënë dorëheqjen nga funksioni publik, veçanërisht në kushtet e lindjes së konflikteve të vazhdueshme të interesit.

2) Zyrtari i ATK-së njofton eprorin ose institucionin epror, sipas rastit, për zgjidhjen e sugjeruar ose të marrë dhe provon e dokumenton këtë zgjidhje.

3) Pavarësisht zbatimit të pikave 1 dhe 2 të këtij nenit, zyrtari nuk çlirohet nga përgjegjësia e rënies në konflikt interesit, kur masat e marra nga vetë ai nuk rezultojnë të fryshtësme në parandalimin dhe shmangien e konfliktit të interesit.

4) Eprori i zyrtarit ose institucionit epror, duke filluar nga ai më i afërt, paraprakisht, sipas rrethanës, nevojës, në mënyrë të shkallëzuar ose në proporcion me rëndësinë e situatës, mënjanon dhe zgjidh çdo situatë të konfliktit të interesit të një zyrtari vartës, të çdo forme qoftë ajo, duke përdorur, sipas rastit dhe përshtatshmërisë, një apo disa nga mënyrat e mëposhtme:

a) t'i kufizojë zyrtarit informacione të caktuara, që lidhen me ushtrimin e funksionit të tij;

b) të mos i ngarkojë zyrtarit detyra që mund të çojnë në shfaqjen e një konflikti interesash;

c) të mos lejojë që zyrtari të marrë pjesë në procesin e vendimmarrjes;

ç) të rishikojë ose të ndryshojë detyrat dhe kompetencat e zyrtarit;

d) ta transferojë zyrtarin në një detyrë tjetër, që shmanget konfliktin e interesave;

dh) të marrë masat e nevojshme për të shmanget emërimin ose zgjedhjen e një zyrtari në funksione, në të cilat mund të lindin ose ka konflikte interesash;

- e) nē rast tē një akti tē marrē nē praninë e konfliktit faktik tē interesit, nē çdo ményrë që kjo vihet re, tē anulojë ose tē revokojë, nëse e ka këtë kompetencë, aktet e marra nga zyrtari, sa më parë që tē jetë e mundur, dhe mundësish para se ato tē kenë sjellë pasoja;
- ë) anullimi ose revokimi i aktit mund tē bëhet edhe kur gjykohet se akti është marrē nē kushtet e konfliktit nē dukje tē interesit, i cili mund tē shfaqet rast pér rast ose nē ményrë tē vazhdueshme;
- f) anullimi ose revokimi i një akti nuk bëhet nga eprori kur ai vlerëson se pasojet që mund tē vijnë nga anulimi ose revokimi i tejkalojnë dukshëm përfitimet nga ky anulim ose revokim.

5) Në raste tē veçanta kur:

- a) konflikti i interesit lidhet me drejtuesin më tē lartë tē një institucioni publik, trajtimi dhe zgjidhja bëhen nga institucioni epror, nëse ka tē tillë dhe kjo nuk cenon parimin e pavarësisë së institucioneve;
- b) konflikti lidhet me një zyrtar që njësohet ose është anëtar i një organi kushtetues, trajtimi dhe zgjidhja bëhet nga organet kompetente tē përcaktuara nē Kushtetutë.

6) Zyrtari lejohet tē ushtrojë funksion dhe tē kryejë detyrën me kusht që konflikti i vetëm i interesit i pashmangshëm është ai nē dukje kur plotësohen kushtet e mëposhtme: kur ai:

- i)ose është i pazëvendësueshëm nē ushtrimin e funksioneve;
- ii)ose vetëpërjashtimi i tij është i pamundur, sipas shkronjës "b" tē pikës 1 tē këtij neni;
- iii) asnjëra nga zgjidhjet e pikës 4 tē këtij neni nuk është e mundur; dhe kur:
- i)vendimet e tij, sipas rregullimeve me ligj, nuk i nënshtronen miratimit, revokimit ose shfuqizimit nga një institucion epror;
- ii)nuk është i mundur as tjetërsimi i interesit privat, sipas shkronjës "a" tē pikës 1 tē këtij neni, pér shkak tē natyrës së tij (si lidhje familjare, komunitare etj.);
- ii)nuk ka kuptim, që pér një rast konflikti tē tillë, ai tē japë detyrimisht dorëheqjen nga funksioni. Në një rast tē tillë, vendimet e këtij zyrtari i nënshtronen një kontrolli dhe vlerësimi tē veçantë nga institucionet e ngarkuara me ligj pér tē kryer kontrollin e këtyre vendimeve. Vendimi dhe rezultatet e kontrollit bëhen kurdoherë publike.

7) Eprori njofton me shkrim dhe nē ményrë tē arsyetuar zyrtarin nē konflikt interes, si dhe eprorin e vet ose institucionin epror pér zgjidhjen e dhënë.

8) Pavarësish nga zbatimi i pikave 1 e 2 tē këtij neni nga vetë zyrtari dhe/ose i pikave 4, 5 e 6 tē këtij neni nga eprori ose institucioni epror, zyrtarët përgjegjës, pér parandalimin dhe shmangjen e konfliktit konkret tē interesit, nuk çlironen nga përgjegjësia, kur masat e marra nuk rezultojnë tē frytshme nē parandalimin dhe shmangjen e tij.

9) Ményrat e trajtimit dhe tē zgjidhjes së konfliktit tē interesit, sipas këtij neni, duhet tē bëhen bazuar nē mirëkuptimin dhe bashkëpunimin ndërmjet zyrtarit dhe eprorit ose institucionit epror, duke synuar së bashku përdorimin e ményrës më tē mirë pér parandalimin dhe zgjidhjen e gjendjes me konflikt interes.

Zyrtari, eprori ose institucioni epror njoftojnë nē çdo rast Inspektoratin e Lartë mbi masat e marra pér trajtimin dhe zgjidhjen e rasteve tē konfliktit tē interesave.

## Neni 25

### **Zgjidhja e rasteve tē veçanta tē konfliktit tē vazhdueshëm tē interesave**

1. Pér kategoritë e zyrtarëve, tē përcaktuara nē kreun III seksioni 2 tē këtij ligji, kur trajtimi dhe

zgjidhja e konfliktit tē vazhdueshém tē interesit nuk mund tē arrihet nēpërmjet ményrave tē dhéna nē nenin 37 (Ligjt Nr. 9367, datë 07.04.2005 i ndryshuar) që zyrtari tē vazhdojë tē qëndrojë nē tē njëtin funksion, duhet detyrimisht:

a) tē heqë dorë nga funksionet drejtuese ose tē anëtarësisë nē organet drejtuese nē çdo rast që kjo i ndalohet, sipas kreut III seksioni 2 tē këtij ligji, sa më shpejt që tē jetë e mundur, por jo më vonë se 15 ditë nga çasti i lindjes së këtij detyrimi dhe tē njoftojë e tē dokumentojë këtë fakt menjëherë dhe jo më vonë se 10 ditë nga kryerja e tij;

b) tē ndërpresë, brenda 30 ditëve, ushtrimin e veprimtarive tē ndaluara, sipas kreut III seksioni 2 tē këtij ligji, dhe brenda këtij afati, por sa më parë, t'u kërkojë organeve kompetente çregjistrimin sipas ligjit tē këtyre veprimtarive. Zyrtari njofton dhe dokumenton përbushjen e këtyre detyrimeve menjëherë, por jo më vonë se 10 ditë nga afati i mësipërm, si dhe njofton dhe dokumenton çregjistimet e kryera nga organet kompetente nē çdo kohë dhe menjëherë, apo ato tē jenë kryer;

c)të transferojë tē drejtat e zotërimit aktiv tē aksioneve apo tē pjesëve nē kapital që zotëron te një person tjetër, sipas përcakttimeve të pikës 6 tē nenit 3 tē këtij ligji, por që:

i) personi i besuar nuk mund tē jetë bashkëshorti/ja dhe prindërit e tij/saj, fëmijët nē moshë madhore dhe bashkëshortët e tyre, prindërit e zyrtarit, vëllezërit dhe motrat e tij dhe bashkëshortët e tyre, personat me miqësi tē njohur me këtë zyrtar, një zyrtar apo person tjetër me lidhje varësie, qoftë edhe tē tërthortë, për shkak tē funksionit publik me zyrtarin nē fjalë;

ii) personi i besuar nuk mund tē jetë një person fizik tregtar, qoftë njëri nga personat e sipërpërmendur, një shoqëri, ku zyrtari zotëron, nē ményrë tē drejtpërdrejtë ose tē tërthortë, sipas kuptimit tē nenit 19 tē këtij ligji, aksione a pjesë nē kapital, një organizatë jofitimprurëse, nē tē cilën zyrtari ka pasur ose ka marrëdhënie interesit tē çfarëdo lloji.

2.Nëse zyrtari heq dorë nga tē gjitha tē drejtat e pronësisë mbi aksionet ose pjesët nē kapital dhe i tjetërsin ato te një person tjetër, ky i fundit nuk mund tē jetë asnjë nga subjektet e përmendura nē shkronjën “c” tē pikës 1 tē këtij nenit për personin e besuar. Zyrtari duhet ta njoftojë dhe ta dokumentojë këtë veprim menjëherë, por jo më vonë se 15 ditë nga kryerja e tij.

3.Transferimi, sipas shkronjës “c” tē pikës 1 tē këtij nenit, ose tjetërsimi, sipas pikës 2 tē këtij nenit, kryhet sa më parë që tē jetë e mundur, por jo më vonë se 2 muaj nga çasti i lindjes së detyrimit. Zyrtari njofton dhe dokumenton përbushjen e këtij detyrimi menjëherë, por jo më vonë se 15 ditë nga kryerja e këtij veprimi.

Personi i besuar i një zyrtari tē përcaktuuar nē nenin 30 (Ligjt Nr. 9367, datë 07.04.2005 i ndryshuar) tjetërsin, sa më shpejt që tē jetë e mundur, por jo më vonë se 6 muaj, aksionet ose pjesët nē kapital, tē zotëruara nē ményrë pasive nga ky zyrtar, me qëllim respektimin e kufizimeve tē interesave tē këtij zyrtari, sipas nenit 30 (Ligjt Nr. 9367, datë 07.04.2005 i ndryshuar). Personi i besuar njofton për përbushjen e këtij detyrimi njësoj si nē rastin e zyrtarit.

4. Afatet e përcaktuara nē pikat e mësipërmë tē këtij nenit mund tē shthyhen nga eprori ose institucioni epror, kur zyrtari paraqet shkaqe tē arsyeshme për vonesën. Në çdo rast, arsyet e shtyrjes dhe afatet e reja regjistrohen dhe dokumentohen, por këto afate nuk mund tē jenë asnjëherë më shumë se dyfishi i afateve tē përcaktuara më sipër, me përjashtim tē rasteve kur shtyrja diktohet nga afatet procedurale tē detyrueshme, tē përcaktuara nga Kushtetuta, nga ligjet procedurale, legislacioni tregtar, dhe/ose nga nga rregulloret e institucioneve publike për lëshimin e dokumenteve zyrtare dhe/ose kryerjen e veprimeve juridike, ose kur afati shtyhet për shkak tē nevojës së Autoritetit tē Konkurrencës, për tē vlerësuar pozitën dominuese nē treg tē një shoqërie.

5.Me zhdukjen e shkaqeve që diktojnë kufizimet e përcaktuara nē kreun III seksioni 2 tē këtij ligji,

zyrtari mund tē gëzojë përsëri këto tē drejta.

6.Ky nen zbatohet për aq sa i takon edhe për personin e lidhur me zyrtarin, sipas përcaktimeve të nenit 22 tē rregullores.

7.Nëse zyrtari ose personi i lidhur nuk është i gatshëm tē zbatojë kërkesat e pikave tē këtij nenit, atëherë zyrtari është i detyruar tē japë dorëheqjen nga funksioni, brenda afateve tē përcaktuara në këtë nen.

8.Nëse dorëheqja nuk jepet brenda afateve tē përcaktuara në këtë nen, eprori ose institucioni më i afërt epror, sipas radhës, zbaton njëren apo disa nga mënyrat e përcaktuara në shkronjat “ç” dhe/ose “d” tē pikës 4 tē nenit 37 tē këtij ligji, e cila mundëson zgjidhjen më tē frytshme, jo më vonë se 10 ditë nga afati përfundimtar, me përjashtim tē rasteve kur ky veprim nuk është i mundur ose ky afat nuk mund tē respektohet, për shkak tē afateve tē tjera procedurale, sipas përcaktiveve tē nenit 39 ( Ligjt Nr. 9367, datë 07.04.2005 i ndryshuar).

### Neni 26

#### **Procedurat për trajtimin dhe zgjidhjen e konfliktit të interesave**

1.Kompetencat e eprorëve ose tē institucioneve eprore për trajtimin dhe zgjidhjen e konfliktit të interesave, përfshirë ndalimet ose kufizimet, sipas kreut III tē këtij ligji, zgjidhja e tē cilave bëhet sipas mënyrave të dhëna në nenet 37 e 38 (Ligjt Nr. 9367, datë 07.04.2005 i ndryshuar) dhe procedurat për ushtrimin e këtyre kompetencave përcaktohen nga:

- a) Kodi i Procedurës Civile dhe Kodi i Procedurës Penale, për proceset gjyqësore dhe procedimet penale;
- b) Kodi i Procedurave Administrative për tē gjitha institucionet publike, që i nënshtrohen këtij Kodi;
- c) ligje tē veçanta, që rregullojnë veprimtarinë e institucioneve publike ose tē drejtat dhe detyrimet e kategorive tē ndryshme tē zyrtarëve;
- ç) Kushtetuta, kur konflikti lidhet me një zyrtar, që njësohet ose është anëtar i një organi kushtetues.

2.Procedurat dhe kompetencat, sipas pikës 1 tē këtij nenit, sipas rastit, përcaktojnë edhe mënyrën se si vetë zyrtari ose personi i lidhur me të, ndaj tē cilit janë zbatuar masat për trajtimin dhe zgjidhjen e konfliktit të interesave, mund tē ankohet kur e gjykon se këto masa janë marrë në tejkalim tē përcaktiveve tē këtij ligji.

### KREU V

#### **PAVLEFSHMËRIA E AKTEVE TË MARRA NË KUSHTET E KONFLIKTIT TË INTERESA VE DHE PASOJAT**

### Neni 27

#### **Pavlefshmëria e akteve dhe pasojat**

(Neni 40 i ligjit Nr.9367, date 4.04.2005 i ndryshuar )

1.Aktet dhe kontratat administrative tē çdo institucioni publik dhe ankimimi ndaj tyre, tē nxjerra në kushtet e konfliktit faktik ose në dukje tē interesave, janë tē pavlefshme, sipas kuptimit tē këtij termi dhe parimeve e procedurave tē përcaktuara në Kodin e Procedurave Administrative.

2. Çdo kontratë civile, e lidhur në kundërshtim me pikat 1, 2, 3 e 6 të nenit 21 dhe pikën 3 të nenit 24 të (Ligjit Nr. 9367, datë 07.04.2005 i ndryshuar), ose në çdo rast tjetër, kur ajo është lidhur në praninë e konfliktit faktik ose në dukje të interesit, nuk krijon asnjë pasojë juridike.

3. Aktet e përcaktuara në shkronjën “a”, “ii” të pikës 1 të nenit 4 të (Ligjit Nr. 9367, datë 07.04.2005 i ndryshuar), të nxjerra në praninë e konfliktit faktik ose në dukje të interesit, rishihen dhe rrëzohen për këtë shkak nga organi përkatës, në përputhje me kompetencat e tij për të vendosur në lidhje me këtë çështje, sipas përcaktimeve dhe sipas rastit, në Kodin e Procedurës Civile ose në Kodin e Procedurës Penale apo në ligje të tjera, që rregullojnë regjimin e këtyre akteve.

4. Aktet e përcaktuara në shkronjën “a” “iii” të pikës 1 të nenit 4 të (Ligjit Nr. 9367, datë 07.04.2005 i ndryshuar), të nxjerra në praninë e konfliktit faktik të interesit, janë relativisht të pavlefshme, sipas të njëjtës kuptim të përdorur për aktet administrative në Kodin e Procedurave Administrative.

5. Konflikti në dukje i interesit nuk përbën shkak për pavlefshmëri, sipas pikave 1 e 3 të këtij neni, vetëm nëse ai shfaqet në kushtet e përcaktuara në pikën 6 të nenit 37 të (Ligjit Nr. 9367, datë 07.04.2005 i ndryshuar).

## Neni 27/1

### Rregullimi i pasojave juridike te akteve te marra ne kushtet e konfliktit te interesave

(Neni 40/1 i ligjit Nr.9367, date 4.04.2005 i ndryshuar )

1) Inspektorati i Lartë ndërmerr nismën e ankimit në rrugë administrative për shpalljen e pavlefshmërisë së akteve a kontratave administrative dhe/ose revokimit/shfuqizimit të tyre nga organet kompetente në çdo rast kur, mbi bazën e verifikimit dhe hetimit administrativ, konstaton raste të konfliktit të interesave në zbatim të këtij ligji.

2) Kur një akt i një institucioni publik, bëhet i pavlefshëm, sipas përcaktimeve të pikave 1, 2, 3 e 4 të nenit 40 të (Ligjit Nr. 9367, datë 07.04.2005 i ndryshuar):

a) institucioni publik, kur gjykon se zyrtari ka vepruar me keqbesim, brenda 30 ditëve nga njoftimi:

i) ndërmerr procedurat e dënimit disiplinor ndaj zyrtarit, shkaktar i pavlefshmërisë së aktit;

ii)përdor të gjitha mjetet ligjore për kalimin e barrës së dëmshpërblimit te ky zyrtar;

iii) kërkon gjykates përkatëse edhe vendosjen e një shpërblimi në favor të institucionit për dëmin moral të shkaktuar;

iv) bën kallëzim penal ndaj zyrtarit, nëse gjykon se shkelja e kryer nga ai përbën vepër penale;

b) përcaktimet e shkronjës “a” të kësaj pike mund të zbatohen edhe ndaj çdo zyrtari tjetër përgjegjës, që me veprimet apo mosveprimet e veta nuk ka parandaluar konfliktin e interesit, shkak për pavlefshmërinë e aktit, ose për mosbatimin e detyrimeve, sipas shkronjës “a” të kësaj pike;

c) përcaktimet e shkronjës “a” të kësaj pike zbatohen për zyrtarin në konflikt interesit, shkak të pavlefshmërisë së aktit, sipas rasteve të mëposhtme;

i)në rastin e deputetit, për votën e dhënë si deputet zbatohet vetëm shkronja “a” “i” e kësaj pike;

ii)në rastin e gjyqtarit, për vendimet gjyqësore të marra prej tij ose për votën e tij në një vendim gjyqësor, nuk zbatohet shkronja “a” “ii” e “iii” të kësaj pike;

iii)në rastin e prokurorit, në ushtrim të detyrës, nuk zbatohet shkronja “a” “ii” e “iii” të kësaj pike;

ç) për zyrtarët e tjerë, që ushtrojnë funksione kontrolli ose hetimi, përcaktimet e shkronjës “a” “ii” e “iii” të kësaj pike nuk janë të detyrueshme, por vlerësimi i tyre i mbetet eprorit dhe, në mungesë apo mosveprim të tij, institucionit epror.

d)Vëprimet e përcaktuara në pikën 1 të këtij neni kryhen nga institucioni publik, sipas rastit, edhe kundër personit të lidhur, personit të besuar ose çdo personi tjetër bashkëpërgjegjës.

3)Në rastin kur vetë institucioni publik nuk e merr këtë nismë, sipas shkronjës “a” të pikës 2, institucioni epror, duke filluar nga ai më i afërti e me radhë, sipas kompetencave ligjore, zbaton detyrat e përcaktuara në të. Në mungesë të vëprimit të tyre, detyrat e përcaktuara në shkronjën “a” të pikës 2, zbatohen nga Inspektorati i Lartë, i cili, sipas rastit, bashkëpunon me Avokaturën e Shtetit;

4)Kundër vendimeve të Inspektoratit të Lartë për konstatimin e konfliktit te interesave ne aktet dhe kontratat administrative mund të bëhet ankim në gjykatën kompetente brenda 45 ditëve nga njoftimi i vendimit.

## KREU VI INSTITUCIONET PËRGJEGJËSE PËR PARANDALIMIN E KONFLIKTIT TË INTERESAVE

### Neni 28

#### **Autoritetet përgjegjëse për parandalimin, kontrollin dhe zgjidhjen e gjendjeve të konfliktit të interesave**

(Neni 41 i ligjit Nr.9367, date 4.04.2005 i ndryshuar )

1.Autoriteti qendor përgjegjës për zbatimin e këtij ligji është Inspektorati i Lartë për Deklarimin dhe Kontrollin e Pasurive dhe Konfliktit te Interesave dhe që përmendet në këtë ligj me shkurtimin “Inspektorati i Lartë”. Inspektorati i Larte, vihet në lëvizje me kërkësë të institucioneve publike, palëve të interesuara dhe kryesisht me nismën e tij.

2.Autoriteti ose strukturat përgjegjëse për zbatimin e këtij ligji në institucionet publike janë:

- a) eprorët e zyrtarëve, sipas hierarkisë, brenda një institucioni publik.
- b) drejtoret, njësitë e burimeve njerëzore apo njësi të ngarkuara a të ngritura posaçërisht, sipas nevojës dhe mundësive të çdo institucioni publik;
- c) institucionet eprore.

## KREU VII SANKSIONET

### Neni 29

#### **Të përgjithshme**

Trajtimet dhe zgjidhjet e konfliktit të interesave, sipas neneve të kreut IV të këtij ligji, nuk vlerësohen si sanksione, sipas këtij kreu.

### Neni 30

Deklaratat për konfliktin e interesave dhe të gjitha dokumentet që i shoqërojnë ato janë dokumente zyrtare. Paraqitura në to e të dhënave të rreme përbën vepër penale dhe dënohet sipas legjislacionit në fuqi.

**Neni 31**  
**Kundërvajtjet administrative**  
( Neni 44 I Ligjit Nr. 9367, datë 07.04.2005 i ndryshuar)

Çdo shkelje e detyrimeve të përcaktuara në këtë ligj, kur nuk përbën vepër penale, përbën kundërvajtje administrative dhe dënohet me gjobë, sipas kufijve të përcaktuar më poshtë:  
për mosvetëdeklarim apo pér mosdeklarim me kérkesë, në përputhje me pikat 1 e 2 të nenit 7 të këtij ligji, zyrtari dënohet me gjobë nga 30 000 (tridhjetë mijë) lekë deri në 50 000 (pesëdhjetë mijë) lekë;  
pér moslëshim autorizimi, sipas pikës 2 të nenit 10 të këtij ligji, zyrtari dënohet me gjobë nga 30 000 (tridhjetë mijë) lekë deri në 50 000 (pesëdhjetë mijë) lekë;  
pér shkelje të nenit 21 pikat 1, 2, 3 e 6, nenit 22, nenit 23 pika 1 dhe nenit 24 pika 3 të këtij ligji, zyrtari ose personi i lidhur me të, personi i besuar ose drejtuesi i shoqërisë dënohet me gjobë nga 100 000 (njëqind mijë) lekë deri në 200 000 (dyqind mijë) lekë;  
ç) pér shkelje të pikave 1 dhe shkronjave “a”, “c” dhe “e” te pikës 4 te nenit 37 dhe pikave 1, 2, 3, 5 e 8 të nenit 38 të këtij ligji, zyrtari ose personi i lidhur me të dënohet me gjobë nga 100 000 (njëqind mijë) lekë deri në 300 000 (treqind mijë) lekë;  
dh) kur paraqitet gjendja e përcaktuar në shkronjat “a” e “b” të pikës 2 të nenit 40/1, zyrtari dënohet me gjobë nga 300 000 (treqind mijë) lekë deri në 500 000 (pesëqind mijë) lekë;  
kur nuk jepen te dhënat e kërkua nga Inspektorati i Larte sipas pikës 1/1 të nenit 42 te këtij ligji personat përgjegjës te institucioneve publike dhe private gjobiten me 50 000 (pesëdhjetë mijë) lekë deri 100 000 (njëqind mijë) leke.  
dh) në rastet e shkeljeve të mësipërme, gjoba jepet nga Inspektori i Përgjithshëm, me propozimin e eprorit ose të institucionit epror ose, kur shkelja verifikohet drejtpërdrejt, nga Inspektorati i Lartë; pér shkelje të tjera të këtij ligji, të përcaktuara me urdhër nga Inspektori i Përgjithshëm, e me propozimin e eprorit të strukturës së institucionit, në kuptim të shkronjës “b” të pikës 2 të nenit 41 të këtij ligji, të institucionit epror, ose kur shkelja verifikohet drejtpërdrejt nga Inspektorati i Lartë, dënon personat përgjegjës me gjobë në masën 50 000 (pesëdhjetë mijë) lekë deri në 100 000 (njëqindmijë) lekë;  
ë) pér çdo masë administrative, Inspektori i Përgjithshëm njofton eprorin ose institucionin epror të zyrtarit të dënuar.  
Gjobat janë më të larta, sipas vlerësimit të masës së shkeljes dhe sipas nivelit të rritjes së pozitës së zyrtarit.  
Procedurat pér zbatimin e masave administrative dhe ankimin ndaj tyre, rregullohen sipas Kodit të Procedurave Administrative.  
Gjobat paguhen nga kundërvajtësi dhe derdhen në buxhetin e Inspektoratit të Lartë jo më vonë së 30 ditë nga komunikimi i gjobës. Me kalimin e këtij afati, vendimi i dhënë shndërrrohet në titull ekzekutiv dhe ekzekutohet në mënyrë të detyrueshme nga punëdhënësi kur kundërvajtësi është në marrëdhënie pune, ose nga zyra e përmbarimit, me kérkesën e Inspektorit të Përgjithshëm. Shqyrtimi i kundërvajtjeve administrative të konstatuara gjatë kryerjes së inspektimeve të Inspektoratit të Lartë, bëhet jo më vonë se 6 muaj pas konstatimit të shkeljes.

**Neni 32**  
( Neni 44/1 I Ligjit Nr. 9367, datë 07.04.2005 i ndryshuar)  
**Ekzekutimi i gjobave**

Të ardhurat nga gjobat dhe të ardhurat e tjera të mbledhura në zbatim të dispozitave të këtij ligji kalojnë të gjitha në buxhetin e shtetit, jo më vonë së 30 ditë nga komunikimi i gjobës. Me kalimin e këtij afati, vendimi i dhënë shndërrrohet në titull ekzekutiv dhe ekzekutohet në mënyrë të detyrueshme nga punëdhënësi kur kundërvajtësi është në marrëdhënie pune, ose nga zyra e

përmbarimit, me kërkesën e Inspektorit të Përgjithshëm.

**Neni 33**  
**Masat disiplinore**

( Neni 45 I Ligjit Nr. 9367, datë 07.04.2005 i ndryshuar)

Çdo shkelje e detyrimeve të përcaktuara në këtë ligj nga zyrtarët përbën shkelje disiplinore, pavarësisht nga përgjegjësia penale apo administrative. Masat disiplinore zbatohen në përputhje me ligjet, që rregullojnë marrëdhëniet e punës dhe/ose statusin e zyrtarëve. Për masat disiplinore të marra nga institucionet përkatëse, njoftohet rast pas rasti Inspektorati i Larte.

Për zyrtarët, që njësohen ose janë anëtarë të organeve kushtetuese, zbatohen masat dhe procedurat e përcaktuara nga Kushtetuta dhe dispozitat ligjore përkatëse.

Inspektori i Përgjithshëm, për shkeljen e kryer nga anëtarët e strukturës përgjegjëse të institucionit, në kuptim të shkronjës "b" të pikës 2 të (Ligjit Nr. 9367, datë 07.04.2005 i ndryshuar), i propozon titullarit të këtij institucioni largimin nga funksioni të këtij anëtarit.

Mosdhënia e autorizimit, sipas pikës 2 të nenit 10 dhe pikës 5 të nenit 14 te (Ligjit Nr. 9367, datë 07.04.2005 i ndryshuar), sjell ndërprerjen e marrëdhënieve të punës, sipas procedurave të përcaktuara në legjislacionin, që rregullon marrëdhëniet e punës.

**Neni 35**

Shfuqizohet rregulloria Nr.01 datë 31.12.2012.

**Neni 36**

Kjo rregullore hyn ne fuqi menjehere.

